

# OXFAM IN TIMOR-LESTE NEWSLETTER

Edisaun Outubru 2021



# KONTEÚDU

MENSAJEN HOSI COUNTRY DIRECTOR

Pajina 2

PERFIL PARSEIRU BINIBU FAEF NOME (BIFANO)

Pajina 3

IMPLEMENTASAUN PROGRAMA AHP-COVID 19 HOSI  
PERMATIL, IHA MUNISIPIU AINARU

Pajina 3

MONITORIZASAUN PROGRAMA AHP-PRONTU BA  
DEZASTRE IHA SUKU NIPANE

Pajina 4

APOIU BA VITIMA AFEITADU HOSI SIKLONE SEROJA

Pajina 4

PAPEL REDE BA RAI (RBR) APOIU KOMUNIDADE  
IHA PROSESU LEGAL

Pajina 5

IMPORTANSIA APLIKA VIZAUN AI-BALANSU  
JÉNERU IHA FAMILIA

Pajina 6

TV TALKSHOW BA KAMPAÑA INFLUENSIA  
#OJE2022 NE'EBE SUSTENTÁVEL

Pajina 7

SOSIALIZASAUN KAIXA HATO'O KEIXA IHA OECUSSE

Pajina 8

KALENDÁRIU EVENTU TENTATIVU

Pajina 9

AKRÓNIMU

Pajina 10



# MENSAJEN HOSI DIRETÓR PAÍZ

Oxfam muda hodi prestá programa sira tomak iuhon  
apertenente iha Timor-Leste. Oxfam muda hodi inkul  
programa adikvisia politika nesional no komunitade litoria  
dezenvolvimentu rural nian. Ekipa predominantemente  
maka pascâl Timorsoan ho menus husi expatriadu na'linha

Oxfam na parselu sira servisu hemutuk modi apoia  
igualdade jénnere, dezenvolvimentu rural no vida-moris  
integrada, aliadoum sira na lan-karabu vai no  
dezenvolvimentu, no resulmatu da desastre sira

Oxfam hahu iha Inglaterra nu'udar Komité Oxfond mian be ajuda  
Hakkarak Hamatuka. Duplo ne'e hahu o kampung ba Funu Mundial  
Daruak remata. Iha 1965, David Scott, oportunitade iha kohesi, hodi aliadu id  
abe inan na labirik sira ne'ebe hamahna iha Grécia ne'ebe cepua  
tina husti inimigu durante Funu Mundial Daruak nian

Ihau CAA nu'udar organizasaun 1962  
envolvementu internasional dathuluk  
Australia nian

apelo ba para sira ieku India, Timor-Leste,  
Cambodia no Filipina

## OXFAM & TIMOR-LESTE OUR STORY / AMI NIA ISTORIA OVER 40 YEARS SUPPORTING TIMOR-LESTE APOIA TIMOR-LESTE DURANTE TINAN 40 RESIN

Oxfam Australia is born out of a merger between two leading Australian international development agencies: Community Aid Abroad (CAA) and the Freedom from Hunger Campaign (FFH)

n Australia moris nu'udar kombinasaun entre ajênsia dezenvolvimentu internasional Australiana prinsipál ria: Community Aid Abroad (CAA) - Asistênsia ba Komunidade iha Rai-li'ur nian - no Freedom from Hunger Campaign (FFH) - Kan

2002  
Independence is restored in Timor-Leste.  
David Scott is a special guest at the ceremony

2001  
Community Aid Abroad officially changes its name to  
Oxfam International, formally joining the  
international Oxfam confederation

CAA man celosamente troka nianha naran ba Oxfam CAA,  
fomamente hemutuk ho konfederasiun  
internasional Oxfam man

1999  
Following the referendum on independence, East Timor is subjected to  
widespread violence and unrest. Oxfam programs from around the  
world, together with CAA from Australia, lead a national humanitarian  
response. Opening of the first Oxfam office in Dili and Dili's  
Haofinde Referendum konabá independénsia, Timor-Leste moru iha bá  
iha rungranga no violénsia ne'ebe jenaradade. Programa Oxfam bá  
husi mundu tomak, hamutuk ho CAA nian husi Australia, litoria responde  
umanitaru nacional. Loke sede Oxfam dahuuk man ha Bill no Decusse

1990's  
Non Governmental Organisations (NGOs) are supported by  
West Timor and connect with other  
organisations

ONG sira iha Timor Lorosae  
apoia CAA nian hodi sira  
no liga no organizaçons

Fausto 'Nino' Belo Ximenes, Oxfam in Timor-Leste's Country Director, sentru Dili  
[Ross Merry da Gloria/OxfamTL]

**KOLEGA SIRA!** Hau Fausto Belo Ximenes bain- bain bolu Nino. Hau nu'udar Country Director foun Oxfam iha Timor-Leste ba tinan 2021-2023. Oxfam hanesaun organizasaun sosiedade sivil ida ne'ebe ezisti kleur iha mundu hafoin Funu Mundial Daruak remata. Iha Timor-Leste, Oxfam hahu fó apoiu ba Timor durante tempu okupasaun no loke eskritóriu iha Timor hafoin konsultasaun popular.

Ónra bo'ot ida ba hau atu assume kargu importante ida ne'e. Hau sente entuziastiku tebes hodi servisu hamutuk ho ekipa Oxfam iha Timor-Leste, parseru, aliadu, movementu no komunidade sira hodi kontribui ba Timor-Leste ida ne'ebe justu, inklusivu, no sustentavel.

Tinan 2021 nakonu ho dezafiu boot ba ita hotu- hahu husi pandemia Covid19 nune'e mós siklone Seroja ne'ebe halo lakon vida barak no estraga populasaun nia vida moris loron-loron. Hakarak foti oportunidade ida ne'e hodi hato'o hau nia obrigadu wa'in ba parseru sira, aliadu, rede, no movement sira, nune'e mós ba duador sira ne'ebe sempre pronto hodi supporta Oxfam nia servisu iha Timor-Leste. Imi nia dedidaksau mak hau nia inspirasaun loron-loron.

# PERFIL PARSEIRU BINIBU FAEF NOME (BIFANO)

- Jacinto Mala  
Diretor BIFANO

Binibu Faef Nome (BIFANO) harii iha Oesilo, iha loron 12 fulan dezembru tinan 2000.

BIFANO no Oxfam hahu servisu hamutuk iha tinan 2010 ho atividade dahuluk foka ba asuntu saude no sanitária liu hosi sosializasaun, apoiu harii toilet ba komunidade nia uma no loke fillmajen konaba nutrisaun ba labarik. Programa integradu ba ekonomia, agrikultura, ambiente no programa koperativa ne'ebe Implementaba iha suku 6 iha Oesilu, Nitibe no Pante Makasar sai hanesan foku durante kopera ho Oxfam.

BIFANO mos hola parte iha programa Prontu ba dezastre no mudansa klimática ne'ebe hala'o ho organiza treinamentu konaba halo bronjon lokál, Inklui fasilita regulamentu tradisionál hanesan tara bandu no forma estrutura DDMC ka Komisaun dezatre suku hodi hamutuk ho komunidade halo identifikasiuna rekursu liu hosi PAK no mapamentu, iha tinan 2018. Oras ne'e, BIFANO fasilita mós Programa Hakbiit iha baze no sosializasaun konaba prevensaun COVID 19 hanesan fahe ekipamentus, distribuisaun apoiu umanitáriu bá nível komunitária, instituisaun no eskola.



## IMPLEMENTASAUN PROGRAMA AHP-COVID 19 HOSI PERMATIL, IHA MUNISIPIU AINARU




Programa Responde ba COVID 19 implementa hosi Oxfam nia parseiru PERMATIL iha eskola EBC Hatubuilico Villa, munisipiu Ainaro Moises Mota, Diretor eskola hato'o agradese ho apoiu tanke bee fase-liman no sabaun husi PERMATIL, tulun ona sosializa liu tan dalam prevensaun

| Cris Caetano  
Resilience Program Senior Manager

ba virus COVID 19 iha eskola. Oxfam Timor-Leste hamutuk ho parseiru sira apoiu tanke no balde fase-liman, poster prevensaun COVID 19, formasaun konaba saude hijiene (oinsa fase-liman no uza maskara o lolos) bá instituisaun, eskola, merkadu no postu saude sira. Programa ne'e apoio uma kain hamtuk 575 ne'ebe hetan ona pakote ai-han no uma kain hamutuk 343 mak hetan ona pakote fini ba responde Covid 19. Atividade hirak ne'e benefisia hosi komunidade ou ema nain 11,850.

# MONITORIZASAUN PROGRAMA AHP-PRONTU BA DEZASTRE IHA SUKU NIPANE, OECUSSE



- Cris Caetano  
Resilience Program Senior Manager

SERÁKE ITA TENKI PREPARA-AAN BA DEZASTRE NO FENÓMENU NATURAL? Oxfam nia programa Prontu ba Desastre ne'ebe hala'o iha suku Nipane, Oecusse tulun komunidade sira hodi identifika rekursu no pontu poténsia dezastre ne'ebe besik iha sira nia hela fatin no to'os. Pedro Eko, xefi suku Nipane, Oecusse apresia tebes ONG BIFANO, CVTL no Oxfam tanba fasilita ona komunidade iha programa ne'e.

"Liu husi Planu Asaun Komunidade (PAK) ami bele identifika hamutuk rekursu natural no fatin ne'ebe risku ba dezastre. Informasaun sira ne'e tulun ami hodi kria mapa no dezenvolve planu asaun nune'e halo mitigasaun ba área ne'ebe identifika ona" Dehan Eko. Nia mos hatutan "PAK hafasil ami iha identifikasaun fatin seguru ba evakuusaun bainhira desastre akontese. Ne'e tulun ona autoridade lokál hodi lori planu sira ne'e no halo diskusaun ho autoridade RAEOA no ONG sira ne'ebe iha potensia fornese apoiu mai ami".

## APOIU BA VITIMA AFEITADU HOSI SIKLONE SEROJA

- João Corbafo  
Resilience Program Officer

Aktividade apoiu vitima Inundasaun 04 Abril 2021 hosi AHP Responde ba Inundasaun – vítima faluk Elizabeth Sequeira hosi aldeia maunaben suku Cunha - Oecusse, triste ho dezastre naturál ne'ebé akontese iha loron 4 abril 2021. "Udan no anin ne'ebe boot halo rai halai no inundasaun ne'e halakon hau nia ai-horis no ai-han sira ne'ebe hau kudaiha hau nia to'os. Hau nia moris depende los ba ai-horis sira ne'ebe produs husi hau nia to'os maibe iha tinan ida ne'e hau falla atu kolleta ona no piór liu tan ami nia uma mos hetan impaktu husi inundasaun tanba ne'e hau lahatene saida tan mak hau sei halo hodi sufisienta hau nia familia", hateten Elizabeth. Maibe Nia mós agradese ba ONG BIFANO, Oxfam no autoridade



husi RAEOA ne'ebe apoiu ona pakote lao'os ai-han (sasan dapur no pakote higene) bá vitima sira. "Agradese ba sira nia atensaun hodi halo kmaan difikuldade ne'ebe ami hasoru hela iha ami nia moris".

# PAPEL REDE BA RAI (RBR) APOIU KOMUNIDADE IHA PROSESU LEGAL

• Zeca Nunes  
Economic and Climate Justice Program officer

Kazu Kaikoli rejistru iha Rede ba Rai iha Tinan 2014 entre komunidade ho entidade Estadu. Kazu ida ne'e mosu relasionala ho planu governu nian husi Ministériu Interior atu alarga Edifisiu kuartel Jeral Polisia Nasional Timor-Leste. Afeitadu husi alargamento edifisiu ne'e mak Uma kain 17 no loja xineza ida, komunidade uma kain 7 mak simu ona no 10 mak sei mantein no la aseita ho indemnizasaun ne'ebe maka governu fo.

Maske hasoru obstakulu, maibe ho determinasaun ne'ebe firme komunidade ho Rede ba Rai reorganiza komunidade afeitadu sira hodi nafatin unidu atu luta ba sira nia direitu ne'ebe la iha konsiderasaun husi Diresaun Nasional Terras e Propriedades. Estratejia advokasira nivel komunidade no nasional komesa halao no intensivu liu tan.

Rede ba Rai (RbR) mak Rede advokasia iha nivel nasional hamutuk ho nia membru organizasaun Juristas Advokasia (JA) ne'ebé sai hanesan



parseiru esensial Oxfam iha Timor-Leste nia ba implementasaun projeto "Land Rights no Land and Women" liu hosi defende no luta ba direitu komunidade nian ba rai, direitu feto sira nian hodi asesu no sai na'in ba rai, inklui halo mos monitorizasaun ba dezenvolvimentu no implementasaun enkudramentu legal sira konaba rai nian, nune'e bele fo protesaun barak liu ba ema vulneravel sira hanesan feto, mane no ema ho defisiensia.



Komunidade no ekipa RbR, Tribunal Distrital Dili, Dili, Timor-Leste  
[Arkivu/Rede Ba Rai]

# IMPORTANSIA APLIKA VIZAUN AI-BALANSU JÉNERU IHA FAMILIA

- Salina Hanjan

Kordenadora ba Programa Jéneru no inkluzivu

Tanba sa servisu uma nia tenki feto deit sira mak halo? Ita nia komunidade sei infrenta hahalok patriakal, norma sosial no kultura limita feto nia partisipasaun atividade no foti desizaun iha vida sosial, ekonomia no politika.

“Baibain iha uma hau ladun halo servisu ajuda hau nia kabem, depois hau partisipa iha treinamento GALS uja instrumentu Ai-balansu Jeneru hau rekoñese katak hau nia fen nia responsabilidade tau matan ba uma laran todan liu hau. Ida ne halo hau senti triste, agora hau hahu foti papel balu iha servisu uma laran, fase bikan no kuidadu labarik” Julio Freitas Koordenador MEL Oxfam Timor Leste

Oxfam iha Timor-Leste nia projeitu Hakbi’it finanziadu hosi Governu Australia liu hosi Programa Kooperasaun ONG Australia ((ANCP), organiza treinamento GALS ba funsionario programa Oxfam Timor Leste. Treinamento fasilita hosi Señora Helena Zefanias Lowe konsultora internasional hosi Mozambique.

Projeitu ida ne’e konsidera GALS nudar approximasaun transformativu, sei uja hodi halo advokasia ba jeneru no asaun koletiva, hari’i konsiensia iha insititusau no halo mudansa ba relasaun poder no halo planeamentu ba vida moris.



Julio Francisco Freitas, Koordenador MEL, Oxfam iha Timor-Leste  
[Ross Merry da Gloria/OxfamTL]

# TV TALKSHOW BA KAMPAÑA INFLUENSIÁ #OJE2022 NE'EBE SUSTENTÁVEL

- Zevonia Vieira  
Kordenadora Kampaña

Oxfam organiza série programa TV Talkshow ho tema jerál "Diversifika ita nia ekonomia hodi Investe ba setór agrikultura no setór produtivu seluk iha OJE 2022".

Programa ba TV talkshow ne'e partisipa husi bainaka sira husi instituisaun

governu, reprezentante husi organizasaun sosiedade sivíl no reprezentante husi grupu agrikultór sira ne'ebé sei inklui (Feto, ema ho defisiénsia, grupu joven sira no seluk tan).



Peskizadora La'o Hamutuk Eliziaria Febe Gomes, Ministru Agrikultura no Peska, Pedro Reis, Joven feto agrikultura-Ana Paula no moderadór Adilsonio da Costa Junior

[Zevonia Vieira/OxfamTL]

Oportunidade ba programa TV Talkshow ne'e sei esplora liu tan informasaun importante sira liga ho agrikultór sira nia realidade no mós sira nia kontribuisaun, atu aumenta produsaun, importânsia husi setór agrikultura nudar baze ba Timor-Leste nia ekonomia iha futuru, labele kontinua depende ba reseita husi mina no gas, hamenus importasaun, diskute mós governu nia programa no planu sira ba setór agrikultura no diversifikasiáun ekonomia iha #OJE2022.



Sekretáriu Estadu Kooperativa (SECOPP), Elizariu Ferreira, Koordenador Grupu Silva Bukamo, Cesaltina da S.A Freitas  
Country Director PARCIC, Junko Ito, Moderadora, Zevonia Vieira  
[Milky/OxfamTL]

# ATIVIDADE SOSIALIZASAUN KAIXA HATO'O KEIXA IHA OECUSSE

- Marcus Oqi  
Supervisor A-ffos

Iha Agustu 2021, A-ffos halo sosailiasaun ba ekipa jestaun grupu, inklui lideransa lokal sira iha aldeia maunaben, suco cunha, sub-rejional Pante-Maksar, Rejional Oecusse, atividade loron 1 ne'e hala'o iha aldeia mauaneben no partisipa hosi ema nain 10, mane 9, feto 1. ne'ebe konsiste hosi xefi aldeia maunaben, delegadu, xefi bairu sira, xefi grupu sira, inklui representante feto potensial sira iha grupu.

Aktividade ne'ebe hala'o mak hanesan :

- Sosislizasaun poster kaixa hatoo keixa hodi relata sai sentimento komunidade nia durante ne'e konaba mekanismu implementasaun programa husi A-ffos iha komunidade, liu-liu resultadu husi programa no dezafius husi implementasaun programa nia.



- Sosializa mos katak, ne'e la'os asuntu sensitivu ida parseiru no komunidade, maibe oinsa atu hadia mekanismu servisu entre Oxfam, A-ffos ho komunidade.
  - Sosializa konaba protesaun labarik, oinsa atu proteje labarik sira husi risku dezastre.
  - Sosializa mos proseisu hato'o kaisa bele liu husi eskrita no bele mos liu husi kontaktu direta liu husi telemovel
- Sr. Jerenimus Lafu, Xefi Aldeia Maunaben nune'e mos asume knaar hanesan kordenador servisu ekipa voluntariu ba dezastre hateten, informasaun ne'e importante teb-tebes ba komunidade hodi hatoo sira nia preokupasaun no obstaklus ba doadores Oxfam iha Timor Leste, no hosi mekanismu ida ne'e bele sukut lolos resultadu ou benefisu husi ativiadade ne'ebe mak akontese ona iha komunidade

# KALENDÁRIU EVENTU TENTATIVU

Outubru to'o Dezembru 2021

## OUTUBRU

- Distribui signage ba escola 6 hanesan EBF Oelnniti, EBF Oenoah, EBF Oebaha, EBF Huebanais, EBF Nonkikan, no EBF Kiupanaf [A-FFOS](#)
- Land-mapping & Ground-truthing - Covalima - [CCC, Community Forestry Officers & Project Officer](#)
- Apoiu sabaun ba escola 2 atu fasilita alunus no mestre sira faseliman bei-beik ho sabaun [A-FFOS](#)
- Halo diskusaun ho ema ho defisiente sira atu halo negosiu kiik, bazea ba sira nia abelidade neebe iha. [Bifano, AFFOS, Maneo no KSI ho suporta husi RHTO](#)
- Distribui aihan ba komunidade uma kain kbit laek hodi distribui aihan (produtu local diak ba saude) [A-FFOS](#)
- Hala'o Partner Capaciy Assesment ba Parseiru [APFTL](#)
- Parseiru Submit sira nia relatório finansas ([Parseiru hotu-hotu](#))

## NOVEMBRU

- Supporta akompanhamentu ba grupu ROMANSA, inklui fahe material matadalan ba grupu rai no impresta osan durante COVID (livru ROMANSA, Cash Box) [A-FFOS](#)
- Akompanhamentu ba membru grupu GALS, nebe hetan ona kapasitasaun GALS, grupu 8 [BIFANO, AFFOS, Maneo, KSI, ED, RHTO](#)
- Publikasaunn informasaun konaba estabele politika salva guarda ba insitutisaun nian. [Affos, Bifano, Maneo, KSI, RHTO, ED ho supporta husi Oxfam](#)
- Apoiu sabaun ba postu saude/klinika: [A-FFOS](#)
- PCA ba parseiru foun projeitu [Rai Matak iha Baucau](#)
- Safeguarding Training ba parseiru Rai Matak iha Kovalima no Baguia ([CCC & HMI](#))

## DEZEMBRU

- Land-mapping & Ground-truthing - Liquisa KSI, Community Forestry Officers & Project Officer
- Treinamentu halo negosiu kiik iha aldeia 8 [Bifano, Maneo, Affos](#)
- Estabelese politika Salva guarda iha instituisaun nian [Affos, Bifano, Maneo, KSI, RHTO, ED ho supporta husi Oxfam](#)
- Apoiu sabaun ba escola 2 atu fasilita alunus no mestre sira faseliman bei-beik ho sabaun [A-FFOS](#)
- Lansamentu Oxfam iha Timor-Leste nia Estratejia Paiz (Country Strategy) foun/2021-2025

# AKRÓNIMU

A

**AFFOS:** Asosiasaun Futuru  
Foinsa'e ba Sustentavel  
**AHP:** Australian Humanitarian  
Partnership  
**APFTL :** Alumni Parlamento  
Foinsa'e Timor-Leste

B

**BIFANO:** Binibu Faef Nome

C

**CCC :** Centro Comunidade  
Covalima  
**COVID:** Coronavirus disease

D

**DDMC :** District Disaster  
Management Committee

G

**GALS:** Gender Action  
Learning System

H

**HMI:** Ho Musan Ida

J

**JA:** Jurista Advokasia

K

**KSI:** Kadalak Sulimutu  
Institute

O

**ONG:** Organizasaun Non-  
Governamental

**OJE:** Orsamentu Jeral do  
Estado

P

**PAK:** Planu Asaun  
Komunidade

R

**RAEOA:** Regiao  
Administrativa Especial  
Oe-Cusse Ambeno

**RbR:** Rede ba Rai

**RHTO :** Ra'es Hadomi Timor  
Oan

## SUPORTA HOSI



Funded by  
the European Union





**OXFAM**

OXFAM iha Timor-Leste

Avenida Hudi Laran

Dili, Timor-Leste

+670 3312 605

+670 7723 0831

@Oxfam Timor-Leste